

Kalaallit Nunaanni pinerluttulerinermi inatsisip
allanngortinneqarnera pillugu inatsit
(Killilikkamik piffissaligaasumik inissiisarfimmi inissiinermi piffissap
sivisunerpaaffissaata qaffanneqarnera)

§ 1

Inatsimmik allanngorneri ilanngullugit nalunaarutiginninneq nr. 1187 af 18. september 2023-imeersoq, inatsisikkut nr. 1782-ikkut, 28. december 2023-imeersukkut, inatsisikkut nr. 411-ikkut, 23. april 2024-imeersukkut, inatsisikkut nr. 200-ikkut, 25. februar 2025-imeersukkut aamma inatsisikkut nr. 202-ikkut, 26. februar 2025-imeersukkut allanngortinneqartoq malillugu, Kalaallit Nunaanni pinerluttulerinermi inatsimmi allannguutit tulluuttut suliarineqassapput:

1. § 147, imm. 1-imi, »ukiunit qulinit« ima allanngortinneqassaaq: »ukiunit 16-init«.

2. § 147-imi imm. 1-ip kingorna immikkoortutut nutaatut ilanngunneqassaaq:

»Imm. 2. Iliuseqartoq 18-it inorlugit ukiulik inissiisarfimmi ukiut 10 sinnerlugit inissinneqartussatut eqqartuunneqarsinnaanngilaq.«

Imm. 2 aamma 3 tamatuma kingorna imm. 3 aamma 4-nngussapput.

3. § 147, imm. 3-mi, imm. 4-nngortussami, »Imm. 2« ima allanngortinneqassaaq: »Imm. 3«.

§ 2

Inatsit ulloq 1. januar 2026 atuutilissaaq.

Inatsisissatut siunnersuummut oqaaseqaatit

Ujarliutit

1. Aallaqqaasiut

2. Killilikkamik piffissaligaasumik inissiisarfimmi inissiinermi piffissap sivilunerpaaffissaata qaffanneqarnera

2.1. Inatsisit atuuttut

2.2. Inatsiseqarnermut ministereqarfiup isumaliutiginninnera aaqquissuussinerlu siunnersuutigineqartoq

3. Pisortanut aningaasaqarnikkut kingunissai aamma atortuulersitsinermi kingunissaa

4. Inuussutissarsiornermut il.il. aningaasaqarnikkut allaffissornikkullu kingunissaa

5. Innuttaasunut allaffissornikkut kingunissaa

6. Silap pissusaanut- aamma avatangiisunut kingunissaa

7. EU-mi inatsisitigut tunngassuteqartut

8. Oqartussat suleqatigiiffiillu il.il. tusarniaaffigineqartut

9. Immersugaq eqikkaaffiusoq

1. Aallaqqaasiut

Kalaallit Nunaat peqatigalugu qanittumik aamma aaqquissutissarsiorluni suleqatigiinneq naalakkersuisut kissaatigaat. Taamaammat – nunat akornanni pissutsit immikkut ittut assigiinngissutillu ataqqillugit – ilaatigut Kalaallit Nunaanni qallunaat suliaasaqarfinni akisussaaffigisaanni tamanut atugassiat Danmarkimi tamanut atugassianik malinninnissaat naalakkersuisut sulissutigaat.

Ingammik inummut navianaatilimmik pinerluttuliornerit ilungersunarnerpaat pineqartillugit, sulinermut tassunga atatillugu, Naalakkersuisut kissaateqarnerisigut, pinerluttulerinermi inatsimmi killilikkamik piffissaligaasumik inissiisarfimmi inissiinermi piffissap sivilunerpaaffissaata ukiunit 10-nit ukiunut 16-ininut qaffanneqarnissaa pillugu, Inatsiseqarnermut ministereqarfiup inatsisissatut siunnersuut manna suliarisimavaa.

Pisuni ilungersunarnerpaani, tassani inuk pinerluttuliornerit suussusaannik peqqarniinnerpaanik pisuutitaasimatillugu, ingammik toqutsisimasutut,

ujajaasimasutut, nammineersinnaajunnaarsitsisimasutut, nakuusernarmik ilungersunartumik pinerluttuliorsimasutut, § 98-imi qunusaarinernik taaneqartumik qunusaarisimasutut, pinngitsaaliilluni atoqatiginnissimasutut imaluunniit allatut ilungersunartumik kinguaassiuutitigut pinerluuteqarsimasutut imaluunniit ikuallatsitsisimasutut imaluunniit pinerluutit taakku arlaannik misiliisimasutut, eqqartuussiviit ullumikkut killilikkamik piffissaligaasumik inissiinerminni, tassani killilikkamik piffissaligaasumik inissiisarfinni inissiinermini sivilunerpaamik inissiisarneq ukiunik 10-nik sivilussuseqarluni, tunngaviliisarnernik allaanerusumik killilikkamik piffissaligaasumik inissiisarfimmi inissiinissami eqqartuussiviit sulii piffissaliinerminni annertunerusumik assigiinngisitaartumik inissiisinnaanerat, siunnersuutip periarfissippaa.

Kisianni allakkut pineqaasissiiisarnermi killiffiit qaffanneqarnissaat siunertarineqanngilaq, aamma taamaalilluni pineqaatissiiisarnermi killiffik, ullumikkut eqqartuussivinni allakkut atorneqartoq, aammattaaq allanngortinnagu ingerlatiinnarneqassasoq, siunnersuutikkut naatsorsuutigineqarpoq.

2. Killilikkamik piffissaligaasumik inissiisarfimmi inissiinermini piffissap sivilunerpaaffissaata qaffanneqarnera

2.1. Inatsisit atuuttut

Pinerluttulerinermi inatsit atuuttoq Kalaallit Nunaanni eqqartuussiveqarneq pillugu Kalaallit Nunaanni Eqqartuussiveqarneq pillugu ataatsimiitsitaliarsuup isumaliutissiissutaanik nr. 1442/2004-imeersumik tunngaveqarpoq. Pinerluttulerinermi inatsisip aamma qallunaat pillaaasarnermik inatsisiliorneranni assigiissut malunnartoq tassaavoq »pillaatissiissutit«-nut taarsiullugu oqaatsip »pineqaatissiissutit« imarisaata atorneqarnera.

Oqaatsini atukkani pingaarluinnartumik tunngaviusoq taanna, Eqqartuussiveqarneq pillugu ataatsimiitsitaliarsuup isumaa malillugu, Kalaallit Nunaanni annersumik siumut isiginissamik aamma siunissami pinerluttuliornerup pitsaaliorneqarnissaanik pingaartitsinermik assigiinngissummut tassunga tunngaviuvoq, matumani pinerluttuliornermi iliuutsimut kingumut isigisumik pissusilimmik (naqisimannilluni imaluunniit killilersuilluni inuup kiffaanngissusiiagaaneranut imaluunniit pisinnaatitaaffiiagaaneranut) iliuuseqannginneq, kisiannili pinerluttuliortup

kingumut innuttaasutut inooqataasinnaalerseqqinneqarnera ilanngullugit. Eqqartuussiveqarneq pillugu ataatsimiitsitaliarsuup isumaliutissiissutaa, atuagaq I, qupperneq 121 innersuussutigineqarpoq.

Pinerluttulerinermi inatsit atuuttoq 2008-imi akuerissutigineqarpoq aamma 2010-imi 1. januar atuutilerluni. Siusinnerusukkut pinerluttulerinermi inatsimmut 1954-imeersumut naleqqiullugu, pinerluttulerinermi inatsimmi qitiusutut akuusoq tassaasimavoq pineqaatissiisarnermi systemip nutaamik aaqqissuussivigineqarnera.

Pinerluttulerinermi inatsimmi § 119 malillugu, pinerluttuliortut pinerluttulerinermi inatsit malillugu assigiinngitsunik, sukannersusertik malillugu iliuusereriikkanut kinguneritittakkat sakkortusiartortinneqarnerannik taaneqartartumi inissinneqarsinnaasunik pineqaatissinneqarsinnaapput: Mianersoqqusineq, akiliisitsineq, piumasagaasiinikkut utaqqisitamik inissiisarfimmiittussanngortitsilluni eqqartuussissut, nakkutigisassanngortitsilluni eqqartuussissut, inuiaqatigiinnik kiffartuussisussanngortitsilluni eqqartuussut, inissiisarfimmiittussanngortitsilluni nakkutigisassanngortitsillunilu eqqartuussut, inissiisarfimmiittussanngortitsineq aamma tigummigallagaqarneq. Pinerluttulerinermi inatsimmi 1954-imeersumut naleqqiullugu, pineqaatissiinerit mianersoqqussutaasut, piumasagaasiinikkut utaqqisitamik inissiisarfimmiittussanngortitsinerit, inuiaqatigiinnik kiffartuussisussanngortitsinerit aamma inissiisarfimmiittussanngortitsinerit aamma nakkutigisassanngortitsinerit nutaatut pineqaatissiissutaapput.

Inatsisinik unioqqutitsisunut inuusuttuusunut, nalinginnaasumik iliuusereriikkanut kinguneritittakkat sakkortusiartortinneqarnerannut taarsiullugu allatut qinigassatut immikkut ittumik ikiorneqarnissamik iliuuseqarnissat pillugit eqqartuussutit atorneqarsinnaapput, aamma tarnimikkut napparsimasunut imaluunniit eqqarsartaatsikkut kinguarsimasunut napparsimavimmi imaluunniit paaqqinniffimmi allami inissinneqarnissamik eqqartuussut imaluunniit katsorsarneqarnissamik eqqartuussut atorneqarsinnaavoq.

Iliuusereriikkanut kinguneritittakkat sakkortusiartortinneqarneranni pineqaatissiisummik eqqartuussiviit toqqaaneranni, pinerluutigineqartup ingasassusaa il.il. aallaavigineqassasoq, aamma alloriarnerni tamani Folketingstidende 2007-08 (katersat aappaat), ilanngussaq A, qupperneq

1620 malillugu eqqartuunneqartumut katsorsarneqarnissaq neqeroorutigineqassasoq, pinerluttulerinermi inatsimmi piumasaqaataavoq. Pineqaatissiissutip suussusaa pinerluttuliornermut pinerluutigineqarsimasunut aallaaviatigut naapertuunnersoq eqqartuussiviup pinerluttulerinermik suliani ataasikkaani tamani nalilersussavaa, aamma Folketingstidende 2007-08 (katersat aappaat), ilanngussaq A, qupperneq 1631 malillugu matumani iliuusereriikkanut kinguneritittakkat sakkortusiartortinneqarneranni qanoq qaffasitsigisumik imaluunniit qanoq appasitsigisumik pisoq inissinneqassanersoq nalilissallugu. Ingasassutsip nalilersorneqarnerani tassani, maannakkut pinerluutigineqarsimasumi pisut immikkoortillugit kisiisa ukkatarineqassanngillat, kisianni ataatsimut naliliisoqassaaq, tassani aamma ukiut, iliuuseqarnermut pissutaasimasut pillugit qajassuussinerit, aamma siullermeerluni- imaluunniit uteqqiattumik pinerluttuliorneq pineqarnersoq ilanngunneqarsinnaapput. Pissutsit sakkortusisitsisut, assersuutigalugu siusinnerusukkut assingusumik pinerluttuliorsimanerit, taamaattoqarsimannginneranut naleqqiullugu iliuusereriikkanut kinguneritittakkat sakkortusiartortinneqarneranni qaffasinnerusumik inissiinermik kinguneqartitsisinnaapput. Illuatungaaniippoq qajassuussinissamut pissutaasut, assersuutigalugu ukiuineq. Piviusumik kingumut innuttaasutut inooqataasinnaalerseqqinneqarnissamik pisariaqartitsinerup, iliuusereriikkanut kinguneritittakkat sakkortusiartortinneqarneranni pineqaatissiinerup appasinnerusup atornerqarnera kingunerisinnaavaa.

1) inatsimmik unioqqutitsinerup ingasassusia, matumani iliuutsit taamaattut akiorneqarnissaannut inuiaqatigiit soqutigisaat ilanngullugit, aamma 2) pinerluttulior tup inuttut atugarisai, matumani pineqartup inatsisunik unioqqutitseqqinnginnissaanut suut pisariaqartinneqarnersutut naatsorsuutigineqarnersut ilanngullugit, pineqaatissiissutip toqqarneqarneranut aamma uuttortarneqarneranut qajassuunneqassasut, pinerluttulerinermi inatsimmi § 121, imm. 1-p malitsigaa. Pineqartoq siulleq iliuutsit tunngaviattut aammattaaq taaneqartarpoq tunngaviit aappaat pinerluttulior tup tunngavigineqarneranik taaneqartarluni.

Folketingstidende 2007-08 (katersat aappaat), ilanngussaq A, qupperneq 1668 malillugu pineqaatissiissutip toqqarneqarnera aamma uuttortarneqarnera pillugu eqqartuussiviup aalajangiinera, ilaatigut pinerluttuliornerup pinerluutigineqarsimasup ingasassusia, ilaatigullu pinerluttulior tup inuttut atugarisai assigiissumik qajassuullugit

tunngaveqartinneqassasoq, piareersaataasumik suliat malillugit aalajangersakkap kingunerivaa. Siusinnerusukkut pinerluttulerinermi inatsimmi 1954-meersumut naleqqiullugu, pinerluttuliortup inuttut atugarisaanut tunngatillugu qajassuussineq pingaartinneqannginneruvoq maannalu inatsimmik unioqqutitsinerup ingassusaanut naligiissinneqarluni.

Inissiisarfimmi inissinneqarnermi piffissap ukiut 10 qaangissanngikkai, pinerluttulerinermi inatsimmi § 147, imm. 1-ip malitsigaa, taannalu aamma pinerluttulerinermi inatsimmi siusinnerusukkut atuuttumi taamaappoq.

Isumaliutissiissut nr. 1442/2004, atuagaq III, qupperneq 920 malillugu killilimmik piffissaligaasumik inissiisarfimmi inissiisarnermi piffissap sivilunerpaaffissaata qaffanneqarnissaanut tunngavissaqarnersoq, Kalaallit Nunaanni Eqqartuussiveqarneq pillugu ataatsimiitsitaliarsuup eqqarsaatersuutigisimagaa, piareersaataasumik suliani takuneqarsinnaavoq. Sulisaaseq taamanikkut atuuttoq malillugu, qaqutiguinnaq ukiut 5 qaangerlugit killilimmik piffissaligaasumik inissiisarfimmi inissiineq eqqartuussutigineqartarpoq. Inatsisinut unioqqutitsinernut, immikkut ittumik navianassuseqartutut pissuseqartutut taaneqarsinnaasunut, piffissaligaanngitsumik inissiisarfimmi inissiinissamut periarfissaqarnerata attatiinnarneqarnissaata siunnersuutigineqarmat, tassunga ilaavoq. Tamanna tunngavigalugu killilimmik piffissaligaasumik inissiisarfimmi inissiinermi ukiut 10 killigitinneqartut qaffanneqarnissaat tunngavissaqanngitsoq ataatsimiititaliarsuaq isumaqarsimavoq.

1) toqutsinermi, ujajaanermi, nammineersinnaajunnaarsitsinermi, ilungersunartumik nakuusernikkut pinerluttuliornermi, § 98-imi taaneqartunik soorasaarinerni, pinngitsaaliinerni imaluunniit kinguaassiuutitigut ilungersunartumik pinerluttuliornerni allani imaluunniit ikuallatsitsinermi imaluunniit pinerluttuliornertit taaneqartut pillugit misiliisimanermik pinerluttuliortoq pisuutinneqarpat, 2) pissutsit iliuuserineqarsimasut qanoq ittuunerat aamma pineqartoq pillugu paasissutissat, matumani ingammik siusinnerusukkut pinerluttuliasimasai pillugit, pineqartup inuit allat inuunerannut, timaannut, peqqissusiannut imaluunniit kiffaanngissusaannut navianartorsiortitsinermik kinguneqartitsisinnaanera isumaqarfigineqarpat, aamma 3) navianartorsiortitsineq taanna pitsaaliorniarlugu tigummigallagaanermik atuineq pisariaqarpat, piffissami killiligaanngitsumi tigummigallagaaneq atorneqarsinnaasoq pinerluttulerinermi inatsimmi § 161-ip malitsigaa.

Piffissamik killiligaanngitsumik inissiisarnermi taamanikkut piumasaqaatit allanngortinneqarnissaat tunngavissaqarnersoq, isumaliutissiissut nr. 1442/2004, atuagaq III, quppeq 841 malillugu Kalaallit Nunaanni Eqqartuussiveqarneq pillugu ataatsimiitsitaliarsuup isumaliutersuutigisimagaa, kisianni allannguutissatut periarfissat arlallit peqqissaartumik isumaliutersuutigineqarnerisa kingorna ataatsimiitsitaliarsuup, piumasaqaatit atuuttut attatiinnartariaqartutut isumaqarfigisimagaat, piareersaataasumik suliani takuneqarsinnaavoq.

2.2. Inatsiseqarnermut ministereqarfiup isumaliutiginninnera aaqqissuussinerlu siunnersuutigineqartoq

Isumaliutissiissut nr. 1442/2004, atuagaq III, qupperneq 919 malillugu, Kalaallit Nunaanni Eqqartuussiveqarneq pillugu ataatsimiitsitaliarsuup isumaliutissiissutini suliarimmagu, toqutsinermut iliuusereriikkamut kingunerititaq nalinginnaasumik inissiisarfimmi ukiuni 5-ni inissiineruvoq.

Folketingstidende 2007-08 (katersat aappaat), ilanngussaq A, qupperneq 1633 malillugu, iliuusereriikkanut kingunerititat killiffiisa arlaatigulluunniit pinerluttulerinermi inatsisikkut sakkortusineqarnissaat siunertarineqanngilaq.

Tamatuma kingorna taamaakkaluartoq eqqartuusseriaatsimi atuuttumi sakkortusisamik sammiveqartumik ineriartortoqarsimavoq. Taamaalilluni inuarnermut nalinginnaasumik pineqaatissiisarneq siullermik inissiisarfimmi ukiuni 6-inni inissinneqarnissamut qaffanneqarpoq aamma kingusinnerpaamik pisumi Nunatta Eqqartuussisuuneqarfiannit eqqartuussutip eqqartuussummik nalunaarutigineqarnerani 12. april 2022-imeersumi (suliaq nr. K 021/22-imi) inissiisarfimmi inissinneqarnissaq ukiunut 7-nnut qaffanneqarpoq. Taamaalilluni toqutsineq pinerluttulerinermi inatsimmik unioqqutitsinerni unioqqutitsinerit peqqarniinnerpaat ilaattut nalilernerqartariaqartoq, aamma taamaammat eqqartuussisuuneqarfiup isumaa malillugu – pineqaatissiisarnerit killiffiisa nalinginnaasumik sukannernerulersitsinneqarnerat eqqarsaatigalugu, ukiuni kingullerni politikikkut erseqqissumik kissaateqarneq, inissiisarfimmi inissiinermi piffissaliussap ukiunik 10-nik sivisussusillip qaangerneqannginnissaanut naleqqiullugu – toqutsineq aallaaviatigut ukiuni 7-nni inissiisarfimmi inissinneqassutaasariaqartoq, eqqartuussisuuneqarfiup oqaaseqaataani taamaalilluni takuneqarsinnaavoq.

Inuarnermut pineqaatissiissutaasartup ukiunik 7-nnik sivilissuseqarnera, inuarnermi pineqaatissiinerup aalajangersarneqarnerata aallaaviatigut ukiunik 7-nnik sivilutiginiissaatut paasineqassaaq, kisianni pineqaatissiineq suliami pissutsit piviusumik sukannernerulersitsissutaasinnaanerat qajassuussinissamullu pissutissaqalersitsisinnaanerat apeqqutaalluni, pineqaatissiinerut assigiinngitsunut iliuusereriikkanut kinguneritittakkat sakkortusiartortinneqartarneranni pineqaatissiinerit appasinnerusinnaapput aamma qaffasinnerusinnaapput.

Nunatta Eqqartuussisuuneqarfianit eqqartuussummi taaneqartumi pineqaatissiineq piviusumik ukiuni 9-ni inissiisarfimmi inissinneqaataasussatut aalajangerneqarpoq, tassami meeqqamik pissutissaqarnani toqutsinerup pineqarnera, navianarluinnartumik ingasattumillu nakuuserluni aamma imermi ipisitsinikkullu pisimanera, aamma inummik toqutsineq, unnerluunneqartumit nalaatsornerinnakkut toqutsinerunera, aamma toqutsinerup illoqarfiup ilaani ineqarfiusumi tamanit tikinneqarsinnaasumi, unnukkut toqqissisimasumik angalaarfiusinnaasariaqaraluartumi pisimanera, sakkortusisamik sammiveqartumik pineqaatissiinermini pingaartissimammagu, assersuutitut taaneqarsinnaavoq.

Inatsisikkut nr. 572-ikkut, 10. maj 2022-imeersukkut, 1. juli 2022-imi atuutilersukkut, pinerluttulerinermi inatsimmi pinngitsaaliineq pillugu § 77-imi imm. 3 nutaaq ilanngunneqarpoq, tamatumalu kingorna inummik 18-it inorlugit ukiulimmut pinerluttuliortoqarsimatillugu, inatsimmik unioqqutitsinerut atasumik pineqaatissiinerup aalajangersarneqarnerani, immikkut ittumik innarliisoqarsimanera pingaartinneqartussaavoq.

Taamanikkut § 77, imm. 1 (nakuuserluni imaluunniit nakuusernissaq sioorasaarutigalugu pinngitsaaliineq, iliuutsimut akerlileeriarsinnaanngitsumik soriarsinnaanngitsumilluunniit atoqateqarneq allatulluunniit atoqateqarneq imaluunniit meeqqamik 12-it inorlugit ukiulimmik atoqateqarneq imaluunniit kinguaassiuutitigut allatut atoqateqarneq) atuuttoq malillugu inunnik 18-it inorlugit ukiulinnik pinngitsaaliinermi pineqaatissiinermi killerititaasoq 50 pct.-imik nalinginnaasumik qaffanneqarnissaa naatsorsuutigineqartoq, piareersaataasumik suliani takuneqarsinnaavoq. Kisianni pinerluttulerinermi inatsimmi § 77, imm. 2-mik (inatsisinik unioqqutitsilluni allatut pinngitsaaliilluni atoqateqarnermik) unioqqutitsinermi pineqaatissiinermut killerititap qaffanneqarnissaa

allannguinerup siunertarinngilaa. Folketingstidende 2021-22, ilanngussaq A, L 126-imi, saqqummiunneqartutut, qupperneq 125 innersuussutigineqarpoq.

Inatsisikkut nr. 414-ikkut, 25. april 2023-imeersukkut, ulloq 1. juli 2023-imi atuutilersukkut, pinerluttulerinermi inatsimmi § 77, imm. 1, akuersineq qiteralugu pinngitsaaliilluni atoqateqarnermut aalajangersakkatut allanngortinneqarpoq, tamatumalu peqatigisaanik meeqqamik 12-it inorlugit ukiulimmik kinguaassiuutitigut atassuteqarnikkut pinngitsaaliinermik pinerluutinngortitsineq § 77, imm. 2-mi ingerlateqqinneqarpoq.

Akuersineq qiteralugu pinngitsaaliilluni atoqateqarnermut aalajangersagaq nutaaq aamma meeqqamik 12-it inorlugit ukiulimmik kinguaassiuutitigut atassuteqarnikkut pinngitsaaliineq pillugu aalajangersakkap ingerlateqqinneqarput, taamanikkut pinngitsaaliinermut pineqaatissiisarnermik killiffik atuuttoq allanngortinnagu ingerlateqqikkaa, piareersaataasumik suliani takuneqarsinnaavoq. Pineqaatissiisarnermi ingerlateqqinneqartumi inunnik 18-it inorlugit ukiulinnik pinngitsaaliinerit suussusaasa ilaat, taaneqareersutut ukiup siuliani naammassineqartut, ilaatinneqarput. Folketingstidende 2022-23 (katersat aappaat), ilanngussaq A, L 49 saqqummiunneqartutut, qupperneq 33, innersuussutigineqarpoq.

Pinerluttuliornernut ilungersunarnerpaanut killilimmik piffissaligaasumik inissiisarfimmi inissiinermi piffissap sivilunerpaaffissaata ukiunit 10-niit ukiunut 16-inut qaffanneqarnissaa pillugu Naalakkersuisut kissaateqarnertik oqaatigisimavaat. Pineqaatissiisarnermi killiffiup nalinginnaasumik qaffanneqarnissaa imaluunniit pinerlunnernut ataasiakkaanut pineqaatissiissutitut killissarititaasut eqqunneqarnissaat kissaatiginngikkitsik, Naalakkersuisut nalunaarutigisimavaat. Kisianni pinerluttuliornernut ilungersunarnerpaanut ukiunit 10-nit sivilunerusumik pineqaatissiinissamut periarfissiinissaq kissaataasoq oqaatigineqarpoq, matumani taamaaliornikkut pisuni piffissaligaanngitsumik tigummigallagaanissamut taarsiullugu allatut qinigassatut killilimmik piffissaligaasumik pineqaatissiinermik qinersisoqarnissaa pillugu periarfissaqarneq ilanngullugu.

Naalakkersuisut kissaatigisaat Inatsiseqarnermut ministereqarfiup akuersaarumavaa. Eqqartuussiveqarneq pillugu ataatsimiitsitaliarsuup ukiut 20-t matuma siorna suliaminik naammassinninnerata kingorna,

eqqartuusseriaatsimi atuuttumi kigaatsunnguamik ineriartortoqarsimavoq, ineriartornerlu killimmik piffissaligaasumik inissiisarfimmi inissiisarnerup ukiunik 10-nik sivisussuseqartup taamanikkut atuuttup ingerlatseqqinneqarnissaanik Ataatsimiitsitaliarsuup innersuussutaanit ineriartornerlu pineqaatissiinermi killiliussat qaffasinnerulernerannik kinguneqarsimavoq. Inunnik 18-it inorlugit ukiulinnik pinngitsaaliilluni atoqatigiinnerit suussusaasa ilaannut, 2022-imi inatsisip allanngortinneqarneratigut pineqaatissiinernut killiliussat 50%-imik qaffanneqarnerat, tassunga aamma ilaavoq.

Tamanna tunngavigalugu pinerluttulerinermi inatsimmi killilimmik piffissaligaasumik inissiisarfimmi inissiinermi piffissap sivisunerpaaffissaata ukiunit quliniit ukiunut 16-inut qaffanneqarnissaa siunnersuutigineqarpoq.

Inatsimmi qaffaanerup pinerluutinut aalajangersimasunut killilerneqarnissaa Inatsiseqarnermut ministereqarfiup isumaliutersuutigisimavaa, taamaalilluni pinerluutit taakku taamaallaat pineqartillugit, ukiut 10-t sinnerlugit inissiisarfimmi inissinneqarnissamik eqqartuunneqarnek periarfissaassalluni.

Kisianni pinerluttulerinermi inatsimmi, pinerluttuliornerup suussusaa apeqqutaatillugu inissiisarfimmi inissiinermi sivisunerpaamik inissiinissat assigiinngitsut marluk aalajangerneqarnerisa pineqaatissiisarnermik systemi pisariaqanngitsumik paasiuminaallisissagaa, Inatsiseqarnermut ministereqarfik isumaqarpoq. Taamaaliorneq aamma ilaatigut pineqaatissiisarnermi killiussat eqqunneqarnerattut paasineqarsinnaassaaq, tamannalu Inatsiseqarnermut ministereqarfiup pisariaqartutut isiginngilaa. Iliuusereriikkanut kinguneritittakkat sakkortusiartortinneqartarneranni alloriarfik sukannernerpaaq, tigummigallagaaneq, pinerluttuliornermut aalajangersimasunut atorneqartussatut killilerneqartoq minillugu, pineqaatissiinerup suugaluartulluunniit pinerluttulerinermi inatsimmik unioqqutitsinermi tunngaviusumik atorneqarsinnaanera, Inatsiseqarnermut ministereqarfiup aamma pingaartissimavaa. Naak pinerluttulerinermi inatsimmi § 146-imi inissiisarfimmi inissiinissamut nalinginnaasumik piumasagaatit naammassineqarsimagaluartut, taamaaliornissamut inatsisitigut periarfissaliissuteqarnera apeqqutaatinnagu, pinerluttulerinermi inatsimmik unioqqutitsinerit ilungersunannginnerusut amerlasuut pineqaatissiissutigineqarnissaannik uuttuineq pillugu sivisuumik inissiisarfimmi inissiinissaq eqqartuussutigineqarpat, pinerluttulerinermi

inatsimmi § 121-imut aamma atsikkutigiissitsinissamut tunngavinnut tunngaviusunut tamatuma akerliunissaa erseqqikkaluartoq, sulisaatsimi tamanna ajornartorsiutiniq pissuteqalersitsisimanngitsoq, Inatsiseqarnermut ministereqarfik isumaqarpoq.

Kisianni pinerluttuliortoq pinerluttuliornermi nalaani 18-it inorlugit ukioqartoq, ukiut 10 inissiisarfimmi inissinneqarnissamik eqqartuunneqassanngitsoq, aalajangersakkami takuneqarsinnaasariaqartoq, Inatsiseqarnermut ministereqarfik isumaqarportaaq. Pinerluttuliornermi inatsimmi § 146, imm. 2 malillugu pissutsit immikkut ittut taamatut inissiinissaq pisariaqartippassuk, pinerluttuliortoq 18-it inorlugit ukioqartoq nalinginnaasumik inissiisarfimmi inissinneqarnissamik taamaallaat eqqartuunneqarsinnaavoq. Immikkut ittumik pissutsit taamaattut atuutsillugit, kisianni aamma nalinginnaasumik inissiisarfimmi inissiinissamut nalinginnaasumik piffissamik qaffaanerup kingorna, pinerluttuliortoq 18-it inorlugit ukioqartoq killilimmik piffissaligaasumik inissiisarfimmi inissiinermi ukiunit 10-nit sivilisunerusumik eqqartuunneqanngisaannartariaqarpoq.

Inissiisarfimmi killilimmik piffissaligaasumik inissiisarnerup qaffanneqarnissaanik siunnersuutikkut, pineqaatissiinerit killiffisa, ullumikkut eqqartuussivinni atorneqartut, allakkut allanngortinnagit ingerlateqqinneqarnissaat aallaaviatigut naatsorsuutigineqarpoq.

Taamaalilluni siullertut, pinerluttuliornermi inatsimmik unioqqutitsinerit iliuusereriikkanut kinguneqartittakkat sakkortusiartortinneqarnerattut alloriarfimmi tassani siunissami kinguneqartinneqartassasut naatsorsuutigineqarpoq, taamaattoq ullumikkut tigummigallagaanermik eqqartuunneqartartut pillugit pisut ataaniittoq takuuk.

Pinerluttuliornerit ullumik killilimmik piffissaligaasumik inissiisarfimmi inissiinermik kinguneqartinneqartartut, pingaarnertut malittarisassaq pingarneq malillugu ullumikkutut sivilisussusilerlugit inissiisarfimmi inissiissutigineqartarnissaat aappaattut naatsorsuutigineqarpoq. Ingammik inunnut navianaatilimmik pinerluttuliornerit ilungersunarnerpaat pisimatillugit, kisianni pissutsit assigiinngitsut malillugit aamma assersuutigalugu ingasattumik ikiaroorartut pillugit pinerluttuliornermi, timmisartut- umiarsuit tigusarineqarneranni aamma atortussianik radioaktiviusunik, atortussanik atominit qaartartulinnik atuilluni pinerluuteqarnermi il.il., eqqartuussiviit killilimmik piffissalikkamik

inissiisarfimmi inissiinerup sivisussusilerneqarnerani
assigiinngisitaarisinnaanerminni, tassani killilikkamik piffissaligaasumik
inissiisarfimmi inissiinermi sivisunerpaamik inissiisarneq ukiunik 10-nik
sivisussuseqarluni, tunngaviliisarnerannik allaanerusumik killilikkamik
piffissaligaasumik inissiisarfimmi inissiinissami eqqartuussiviit sulii
piffissaliinerminni annertunerusumik assigiinngisitaartumik
inissiisinnaanerat, siunnersuutip periarfissippaa.

Pinerluttuliortit ilaanni, tassani pineqaatissiissut ullumikkut
inissiisarfimmi ukiuni assersuutigalugu 8-ni imaluunniit 9-ni inissiinermik
aalajangerneqartarluni, siunissami tassunga taarsiullugu inissiisarfimmi
ukiuni 9-ni imaluunniit ukiuni 10-ni inissiinermut
aalajangerneqarsinnaassaaq – aamma qaqutigorluinnaq pisuni aamma
eqqartuusseriaatsimi atuuttumi nalinginnaasumik ineriartornermut ilaasutut
– ukiuni 10-nik sivisunerusumi inissiisarfimmi inissiisoqarsinnaalissalluni.

Pisuni ataasiakkaani, ullumikkut tigummigallagassanngortitsinermik
eqqartuussisoqarfiusuni, siunissami tassunga taarsiullugu siviisumik
killilimmik piffissaligaasumik inissiisarfimmi inissinneqarnissamik
eqqartuussisoqarsinnaanera akornuserneqarsinnaassanngilaq. Taamaattoq
killilimmik piffissaligaasumik inissiisarfimmi inissiinissaq pinerluttuliortup
inatsisinik unioqqutitseqqinnissaata pitsaaliorneqarnissaanut
naammassanersoq, pinerluutigineqartup aamma inuup pinerluttuliortup
ataatsimut naliliiffigineqarnera apeqqutaassaaq. Taamaalilluni
pinerluttuliortup inuit allat inuunerannut, timaannut, peqqissusiannut
imaluunniit kiffaanngissusaannut navianartorsiortitsinermik
kinguneqartitsisinnaanera isumaqarfigineqartoq, aamma pisuni amerlasuuni
navianaatip taassuma pitsaaliornissaanut ullumikkut
tigummineqarallarnermik atuneq pisariaqartinneqartillugu,
tigummigallarneqarneq sulii pisariaqartussaasoq
naatsorsuutigineqartariaqarpoq.

Inatsisissatut siunnersuummi § 1 tassungalu oqaaseqaatit
innersuussutigineqarput.

3. Pisortanut aningaasaqarnikkut kingunissai aamma atortuulersitsinermi kingunissaa

Annertuumik nalornissuteqarluni oqaatigalugu, siunnersuutip tamakkerluni
atuutilernermi Kalaallit Nunaanni Pinerluttunik Isumaginnittuni

inissaqartitsinissamik annertunerusumik pisariaqartitsinermik, inissanik 8 missaanniittunik, inatsisissatut siunnersuutip kinguneqarnissaa naatsorsuutigineqarpoq. Siullermik, eqqartuunneqartoq killilimmik piffissaligaasumik inissiisarfimmi inissiisarnermi sivisunerpaamik inissiinissamat killiliussa massakut attuuttoq malillugu pillaatisiaminik atuisimatillugu, aamma pillaatisiaminik atuinerata ilaanik, pineqaatissiinermik sivitsuinermut atassuteqartinneqarsinnaasumik, taamaalilluni atuisussanngortillugu.

Tamakkiisumik atuutilersinneqarnerata kingorna, pinerluttunik isumaginnittunut ukiumut (2025-imiit siumut) 6,0 kr.-imiit 6,6 mio.kr.-inut missiliorneqartumik ingerlatsinermut aningaasartuuteqarnerunermik inatsisissatut siunnersuutip kinguneqarnissaa naatsorsuutigineqarpoq, taakkulu Kalaallit Nunaanni Pinerluttunik Isumaginnittuni inissanik amerlanerusunik pisariaqartitsinermut atatinneqarsinnaapput. Assersuutigalugu illuutit naleqqussarneqarnerinut imaluunniit allanngortinneqarnerinut aningaasartuutit qanoq annertutiginissaat, massakkuugallartoq ima qularnartoqartigipput, missiliorneqarnissaat periarfissaanani.

Digitaliusumik inatsisiliornermut piareersimasumik tunngaviit inatsisissamat siunnersuummut attuumassuteqanngitsut nalilerneqarpoq.

4. Inuussutissarsiornermut il.il. aningaasaqarnikkut allaffissornikkullu kingunissaa

Inatsisissatut siunnersuut inuussutissarsiornermut allaffissornikkut aningaasaqarnikkullu kinguneqassanngilaq.

5. Innuttaasunut allaffissornikkut kingunissaa

Inatsisissatut siunnersuut inuttaasunut allaffissornikkut kinguneqassanngilaq.

6. Silap pissusaanut kingunissaa

Inatsisissatut siunnersuut silap pissusaanut kinguneqassanngilaq.

7. Avataangiisinut- pinngortitamullu kingunissaa

Inatsisissatut siunnersuut avatangiisinut- pinngortitamullu kinguneqassanngilaq.

8. EU-mi inatsisitigut tunngassuteqartut

Inatsisissatut siunnersuut EU-mi inatsisitigut tunngasunik isiginniffinnik imaqaanngilaq.

9. Oqartussat suleqatigiiffiillu il.il. tusarniaaffigineqartut

Inatsisissatut siunnersuummut missingiut piffissami 20. december 2024-imiit 31. januar 2025-imut oqartussaasunut suliniaqatigiiffinnullu il.il. nassiullugu tusarniutigineqarpoq:

Advokatrådet, Advokatsamfundet, Amnesty International, Avannaata Kommunia, Danske Advokater, Dansk IT, Datatilsynet, Den Danske Dommerforening, Det Kriminalpræventive Råd, Politiit pillugit Naammagittaalliuuteqartarfik Arlaannaannulluunniit Attuumassuteqaanngitsoq, Dommerfuldmægtigforeningen, Domstolsstyrelsen, Kalaallit Nunaanni Illersuisuut Peqatigiiffiat, Foreningen af Advokater og Advokatfuldmægtige, Foreningen af Offentlige Anklagere, Foreningen af Offentlige Anklagere i Grønland, Foreningen af Statsadvokater, Fængselsforbundet, Nunatsinni Advokatit, Nunatta Eqqartuussisuuneqarfia, Grønlands Politiforening, Inuit Pisinnaatitaaffii Pillugit Siunnersuisoqatigiit, Inuttut Pisinnaatitaaffinnut Institutti, Justitia, Kommune Qeqertalik, Kommuneqarfik Sermersooq, Kommune Kujalleq, Kredsdommerforeningen, Kriminalforsorgsforeningen, Kriminalpolitisk Forening (KRIM), Landsforeningen af Forsvarsadvokater, Nunaat Illersuisuunera, Nunatsinni Advokatit, PiSiu (Kalaallit Nunaanni Pinerlutsaaliuinermut Siunnersuisoqatigiit), Politiforbundet i Danmark, Kalaallit Nunaanni Politiit pillugit Naammagittaalliuuteqartarfik Arlaannaannulluunniit Attuumassuteqaanngitsoq, Retspolitisk Forening, Nunatsinni Eqqartuussivik, Østre Landsret, Vestre Landsret aamma Qeqqata Kommunia.

10. Immersugaq eqikkaaffiusoq

	Pitsaasumik sunniutissai/aningaasartuutikinnerunerit	Ajortumik sunniutissai/aningaasartuu- teqarnerunissaq
--	---	---

	(angeruit, annertussusaa allaguk/Naaggaaruit allaguk »Soqanngilaq«)	(angeruit, annertussusaa allaguk/Naaggaaruit allaguk »Soqanngilaq«)
Naalagaaffimmut, kommuninut nunallu immikkoortuinut aningaasaqarnikkut kinguneri	Soqanngilaq	Tamakkiisumik atuutilersinneqarnerata kingorna, pinerluttunik isumaginnittunut ukiumut (2025-imiit siumut) 6,0 kr.- imiit 6,6 mio.kr.-inut missiliorneqartumik ingerlatsinermut aningaasartuuteqarnerunermik inatsisissatut siunnersuutip kinguneqarnissaa naatsorsuutigineqarpoq, taakkulu Kalaallit Nunaanni Pinerluttunik Isumaginnittuni inissanik amerlanerusunik pisariaqartitsinermut atatinneqarsinnaapput. Assersuutigalugu illuutit naleqqussarneqarnerinut imaluunniit allanngortinneqarnerinut aningaasartuutit qanoq annertutiginissaat, massakkuugallartoq ima qularnartoqartigipput, missiliorneqarnissaat periarfissaanani.
Naalagaaffimmut, kommuninut nunallu immikkoortuinut atuutilersitsinerup kinguneri	Soqanngilaq	Soqanngilaq
Inuussutissarsiortunut aningaasaqarnikkut kingunissaa	Soqanngilaq	Soqanngilaq

Inuussutissarsiortunut allaffissornikkut kingunissaa	Soqanngilaq	Soqanngilaq
Innuttaasunut allaffissornikkut kingunissaa	Soqanngilaq	Soqanngilaq
Silap pissusaanut- avatangiisinullu tunngatillugu kingunissaa	Soqanngilaq	Soqanngilaq
EU-mi inatsisitigut tunngassuteqartut	Inatsisissatut siunnersuut EU-mi inatsisitigut tunngasunik isiginniffinnik imaqanngilaq.	
EU-mi inuussutissarsiornermut sammititamik malittarisassiornermi tunngaviusut tallimaasut atortuulersinneqarnissaannut akerliuvoq (inuussutissarsiornermut sammititaanngitsunut EU- mi malittarisassiuinermi naleqquttumik annertussusilimmik tamanna aamma atuuppoq) (X-ileruk)	Aap Naagga X	

*Inatsisissatut siunnersuummi aalajangersakkanut ataasiakkaanut
oqaaseqaatit*

§ 1-imut

Nr. 1-imut

Pinerluttuliortup inatsisinik unioqqutitseqqinnginnissaa pitsaaliorniarlugu, imaluunniit inatsimmik unioqqutitsinerup ingasassusaa eqqarsaatigalugu, inissiisarfimmi inissiineq atorneqarsinnaasoq, pinerluttulerinermi inatsimmi § 146-p malitsigaa. Pissutsit immikkut ittut inissiinissaq pisariaqartinngippassuk, pinerluttuliortoq 18-it inorlugit ukiulik, inissiisarfimmi inissinneqartussanngorlugu eqqartuunneqassanngilaq.

Inissiisarfimmi inissiinermi piffissaq eqqartuussuummi aalajangerneqartartoq aamma piffissap ukiut 10 qaangersinnaanngikkai, pinerluttulerinermi inatsimmi § 147, imm. 1-ip malitsigaa.

§ 147, imm. 1-imi ukiut 10 ukiunut 16-inut allanngortinneqarnissaat siunnersuutigineqarpoq.

Killilimmik piffissaligaasumik inissiisarfimmi inissiinermi piffissap sivilunerpaaffissaa ukiunit 10-nit ukiunut 16-inut qaffanneqarnissaa, siunnersuutip kinguneraa.

Inatsisissatut siunnersuummi § 1, nr. 2 malillugu pinerluttuliortoq 18-it inorlugit ukiulik, ukiut 10 sinnerlugit inissiisarfimmi inissinneqartussanngorlugu eqqartuunneqarsinnaanngitsoq, aamma inissiisarfimmi inissiinermut piffissap sivilunerpaaffissaa ukiut 16-inngortoq nutaaq, tamanna tunngavigalugu eqqartuussat piffissami pinerluttuliorfigisaminni 18-inik ukioqalereersimanissaat, tamatuma peqatigisaanik siunnersuutigineqarpoq.

Inissiisarfimmut inissiinissap atorneqarnissaanut piumasaqaatinut siunnersuut allannguinerinik kinguneqanngilaq, aamma siunissami inissiisarfinnut inissiinermi ullumikkutut pisut assinginut atorneqarnissaa, naatsorsuutigineqarpoq, taamaattoq pisut, ullumikkut tigummigallagassanngortitaanermik eqqartuussutaasartut pillugit ataaniittut takukkit.

Pinerluttuliornerit, ullumikkut inissiisarfimmi inissinneqarnermik iliuusereriikkanik kinguneqartitsissutaasartut, pingaarnertut malittarisassaq nalinginnaasooq malillugu inissiisarfimmi inissiinermik ullumikkutut sivilutigitsumik iliuusereriikkanut kinguneqartitsissutigineqassasooq, aammattaaq naatsorsuutigineqarpoq.

Ingammik inunnut navianaatilimmik pinerluttuliornerit ilungersunarnerpaat pisimatillugit, kisianni pissutsit assigiinngitsut malillugit aamma assersuutigalugu ingasattumik ikiaroorartut pillugit pinerluttuliorneri, timmisartut- umiarsuit tigusarineqarneranni aamma atortussianik radioaktivusunik, atortussanik atominit qaartartulinnik atuilluni pinerluuteqarnermi il.il., eqqartuussiviit killilimmik piffissalikkamik inissiisarfimmi inissiinerup sivilussusilerneqarnerani assigiinngisitaarisinnaanerminni, tassani killilikkamik piffissaligaasumik inissiisarfimmi inissiinermi sivilunerpaamik inissiisarneq ukiunik 10-nik sivilussuseqarluni, tunngaviliisarnerannik allaanerusumik killilikkamik piffissaligaasumik inissiisarfimmi inissiinissami eqqartuussiviit sulit piffissaliinerminni annertunerusumik assigiinngisitaartumik inissiisinnaanerat, siunnersuutip periarfissippaa.

Pinerluttuliornerit ilaanni, tassani pineqaatissiissut ullumikkut inissiisarfimmi ukiuni assersuutigalugu 8-ni imaluunniit 9-ni inissiinermik aalajangerneqartarluni, siunissami tassunga taarsiullugu inissiisarfimmi ukiuni 9-ni imaluunniit ukiuni 10-ni inissiinermut aalajangerneqarsinnaassaaq – aamma qaqutigorluinnaq pisuni aamma eqqartuusseriaatsimi atuuttumi nalinginnaasumik ineriartornermut ilaasutut – ukiuni 10-nik sivilunerusumi inissiisarfimmi inissiisoqarsinnaalissalluni.

Pisuni ataasiakkaani, ullumikkut tigummigallagassanngortitsitsinermik eqqartuussisoqarfiusuni, siunissami tassunga taarsiullugu siviluumik killilimmik piffissaligaasumik inissiisarfimmi inissinneqarnissamik eqqartuussisoqarsinnaanera akornuserneqarsinnaassanngilaq. Taamaattoq killilimmik piffissaligaasumik inissiisarfimmi inissiinissaq pinerluttuliortup inatsisinik unioqqutitseqqinnissaata pitsaaliorneqarnissaanut naammassanersoq, pinerluutigineqartup aamma inuup pinerluttuliortup ataatsimut naliliiffigineqarnera apeqqutaassaaq. Taamaalilluni pinerluttuliortup inuit allat inuunerannut, timaannut, peqqissusiannut imaluunniit kiffaanngissusaannut navianartorsiortitsinermik kinguneqartitsisinnaanera isumaqarfigineqartoq, aamma pisuni amerlasuuni navianaatip taassuma pitsaaliornissaanut ullumikkut

tigummineqarallarnermik atuineq pisariaqartinneqartillugu,
tigummigallarneqarneq suli pisariaqartussaasoq
naatsorsuutigineqartariaqarpoq.

Aammattaaq inatsisissatut siunnersuummi nalinginnaasumik oqaaseqaatini
imm. 2 innersuussutigineqarpoq.

Nr. 2-mut

Pinerluttuliortup inatsisinik unioqqutitseqqinnginnissaa pitsaaliorniarlugu,
imaluunniit inatsimmik unioqqutitsinerup ingasassusaa eqqarsaatigalugu,
inissiisarfimmi inissiineq atorneqarsinnaasoq, pinerluttulerinermi inatsimmi
§ 146-p malitsigaa. Pissutsit immikkut ittut inissiinissaq
pisariaqartinngippassuk, pinerluttuliortoq 18-it inorlugit ukiulik,
inissiisarfimmi inissinneqartussanngorlugu eqqartuunneqassanngilaq.

Inissiisarfimmi inissiinermi piffissaq eqqartuussummi
aalajangerneqartartoq aamma piffissap ukiut 10 qaangersinnaanngikkai,
pinerluttulerinermi inatsimmi § 147, imm. 1-ip malitsigaa. Inatsisissatut
siunnersuummi § 1, nr. 1 malillugu inissiisarfimmi inissiinissamut piffissap
sivisunerpaaffissaa kisianni ukiunut 16-inut qaffanneqarnissaa
siunnersuutigineqarpoq.

Nutaamik § 147, imm. 2-mik ilanngussisoqarnissaa siunnersuutigineqarpoq,
tamatumalu kingorna pinerluttuliortoq 18-it inorlugit ukioqartoq, ukiut 10
sinnerlugit inissiisarfimmi inissinneqartussanngorlugu
eqqartuunneqarsinnaanngilaq.

Pinerluttuliortumut iliuuseqarnerup nalaani 18-it inorlugit ukiulimmut,
inissiisarfimmi inissinneqarnissamut nalinginnaasumik sisussutsip
sivisunerpaaffissaa ukiunut 16-inut qaffanneqarnera apeqqutaatinnagu,
killilimmik piffissaligaasumik inissiisarfimmi inissiinermi piffissap
sivisunerpaaffissaa suli ukiut 10-iussasut, siunnersuutip kinguneraa.

Aammattaaq inatsisissatut siunnersuummi nalinginnaasumik oqaaseqaatini
imm. 2 innersuussutigineqarpoq.

Nr. 3-mut

Inummut inissiisarfimmi inissinneqartussanngorlugu
eqqartuunneqarsimasumut, inissiisarfimmi inissinneqarnermi nalaani

nutaamik inatsimmik unioqqutitsisumut, pinerluttulerinermi inatsimmi § 147, imm. 2 tunngassuteqarpoq.

Inissiisarfimmi inissinneqarnissamut eqqartuunneqareernermi kingorna, kisianni inissiisarfimmi inissinneqarneq aallartissimatinnagu, eqqartuunneqartup nutaamik inatsimmik unioqqutitsinerani imm. 2 taamatuttaaq atuutissasoq, pinerluttulerinermi inatsimmi § 147, imm. 3-p malitsigaa.

§ 147, imm. 3-imi imm. 2-mut innersuussineq imm. 3-mut innersuussinermik allanngortinneqassasoq siunnersuutigineqarpoq.

Inatsisissatut siunnersuummi § 1, nr. 2 malillugu nutaamik § 147, imm. 2-mik ilanngussisoqarnissaanik siunnersuutip, siunnersuut kinguneraa, tamannalu § 147, imm. 2-p atuuttup imm. 3-nngorneranik kinguneqarpoq.

§ 2-mut

Inatsisip ulloq 1. januar 2026 atuutilernissaa siunnersuutigineqarpoq.

Ilanngussaq

Inatsisissatut siunnersuutip inatsimmut atuuttumut ataatsimoortinneqarnera

<i>Oqaasertalerneqarnera atuuttoq</i>	<i>Inatsisissatut siunnersuut</i>
	§ 1 Inatsimmik allanngorneri ilanngullugit nalunaarutiginninneq nr. 1187, 18. september 2023-imeersoq malillugu, Kalaallit Nunaanni pinerluttulerinermi inatsimmi allannguutit tulliuttut suliarineqassapput:
§ 147. Inissiisarfimmut inissinneqarnerup sivilissusissaa, ukiunit qulinit sivilissunerusinnaanngitsoq, eqqartuussissummi aalajangersarneqassaaq.	1. § 147, imm. 1-imi, »ukiunit qulinit« ima allanngortinneqassaaq: »ukiunit 16-init«.
	2. § 147-imi imm. 1-ip kingorna immikkoortutut nutaatut ilanngunneqassaaq: »Imm. 2. Iliuuseqartoq 18-it inorlugit ukiulik inissiisarfimmi ukiut 10 sinnerlugit inissinneqartussatut eqqartuunneqarsinnaanngilaq.« Imm. 2 aamma 3 tamatuma kingorna imm. 3 aamma 4-nngussapput.
<i>Imm. 2.</i> Eqqartuussaq inissiisarfimmiitsitaanermi nalaani inatsisinik unioqqutitseqqippat eqqartuussisuusut pinerluummut tamatumunnga inatsisinillu unioqqutitsinermut siusinnerusukkut eqqartuussissutaasimasumut ataatsimut pineqaatissiissuteqassapput, taamatulli iliussanngillat	

siusinnerusukkut pineqaatissiissutaasimasoq naammassorigunikku. Taarsiullugu eqqartuussisuusut pinerloqqinneq kisiat pineqaatissiissutigisinnaavaat.	
<i>Imm. 3.</i> Imm. 2 taamatuttaaq atuutissaaq eqqartuussaq inissiisarfimmiittussanngortinneqar- luni eqqartuunneqareerluni suli inissiisarfimmut inissinneqarani inatsisinik unioqqutitseqqippat.	2. § 147, <i>imm. 3-mi</i>, imm. 4- nngortussami, »Imm. 2« ima allanngortinneqassaaq: »Imm. 3«.